

XXI

Allas ! nag a boaniou,
'Goez varnomp bepred,
Blonset eo kalonou,
Kals a dud er bed ! Laudate.

XXII

Nag a dristidigez,
Ran-galoun, anken,
Er bed-ma aliez,
A ve lod an den ! Laudate.

XXIII

Hor c'horf a ve flastret,
Gant ar c'hlenvejou,
Ha gant an drouk-speret,
Taget hon eneou ! Laudate.

XXIV

Va c'halon 'zo skuizet,
Gant poaniou 'r bed-ma,
Mont d'an Env d'ho kuelec'h,
A garje brema ! Laudate.

XXV

Euruz en ho kichen,
Ni 'velo Jesus,
Ni 'gano da viken,
Mam drugarezuz !

Mam Doue, o Guere'hez, } bis.
C'hui 'zo hor c'harantez ! }

J. SALAUN.

IMPRIMATUR :

24 Juin 1881.

DU MARHALLAC'H.

Librairie J. SALAUN, à Quimper.

ITROUN - VARIA KERDEVOT

Ton : *Laudate Mariam.*

I

Kanomp a vouez huel,
Mari, Mam Doue ;
Ni oll e Breiz-Izel,
'Zo he bugale.

DISKAN :

Mam Doue, ô Guere'hez, } bis.
Bezit hor c'harantez, }

II

Kaloun ar Vretounet,
Atao, a viskoas,
D'ho Mam muia karet,
'Zo bet digor bras ! Laudate.

III

Gant mein dantelezet,
Ho deuz hon tadou,
D'ar Vere'hez henniget,
Savet ilisou ! Laudate.

IV

Hogen 'n ilis kaera,
Euz a vro Gerne,
D'ann Itroun-Varia,
A zo enn Ergue ! Laudate.

V

Kerdevot eo hanvet,
Chapel burzudus,
Enhi e ve kavet,
Grasou mam Jesus ! Laudate.

VI

Var lez ar prajeier,
Karget a vleuniou,
He sao huel ha kaër,
A ziouc'h ar c'hleuniou ! Laudate.

VII

Ha dirag ar chapel,
He sao eur c'hoat bras,
Hag er feunteun santel,
He red dour a c'hras ! Laudate.

VIII

Kerdevot benniget,
Lec'h c'houek d'ar pec'her,
A bell amzer choazet,
Gant Mam hor Zalver. Laudate.

IX

Eno he teu bemde,
Ha gant fisians bras,
Da bedi Mam Doue,
Tud ann Ergue-Vras ! Laudate.

X

O Mam dr'igarezuz,
Na kaera grasou,
Oc'h euz digant Jesus,
Bet d'hon eneoù ! Laudate.

XI

It di da zaoulina,
Paour ha pinvidik,
D'ann Itroun-Varia,
It tud reuseudik ! Laudate.

XII

It holl, gant levezenez,
Den fur... pen diank,
Da bedi ar Verc'hez,
It koz ha yaouank ! Laudate.

XIII

It tad, mam ha bugel,
It tud ann Arvor,
Divrec'h hor Mam santel,
Deoc'h holl zo digor ! Laudate.

XIV

Piou c'helfe lavaret,
Niver ar grasou,
Dre ar Verc'hez skuillet,
Var hon eneoù ! Laudate.

XV

Kaout a ra d'ar pec'her,
Distro var Doue,
Ha dirag he varner,
Truez d'he ene ! Laudate.

XVI

D'an dall 'ro ar guelet,
Nerz d'an digaloun,
D'ar bouzar ar c'hlevet,
An Env d'an anaoun ! Laudate.

XVII

Soudardet Breiz-Izel,
Ken tom enn emgann,
A c'houlén he skoazel,
Pa ven kreis an tan ! Laudate.

XVIII

Klevit ar martolod,
Pa dreuz ar mor doun,
O Itroun Kerdevot,
Pedit evid-oun ! Laudate.

XIX

Kemper ha Sant-Yvi,
Ha kals paressiou,
A deu di da bedi,
Pa ve 'r pardoniou ! Laudate.

XX

Elliant, Toure'h ha Briec,
A deu aliez,
Gant tud Sant-Evarzec,
Da di ar Verc'hez ! Laudate.

KANTIK
D'AN
ITRON-VARIA-C'HRAS

Parrez Pluguën

Diskan.

Ni ho salud, o leun a c'hras,
Ar zantela 'zo bet biskoas :
Ni ho salud, gant levenez,
O Guerc'hez, leun a vadelez.
Ave Maria,
Gratiâ plena.

1.

Patronez dous e peb amzer,
Mam truezuz en hor c'henver,
Varn'omp bemdez, euz an envou,
C'hui a skuill eur mor a c'hrasou.

2.

Nag a vech o peuz c'hui miret
Ouzomp-ni da veza trec'het
Gant an diaoul, pa zeu d'hon tenti !...
Trugarez d'eo'h, Guerc'hez Vari !

3.

Nag a vech, dre ho pedennou,
En deuz Doue var hor meziou
Digasset glao hag amzer gaer,
Ha skuillet madou var bep ker !

4.

Ni dreist-oll, tud a Bluguën,
D'ho chapel gaer a ia laouen ;
Rag eno 'vezomp selaouet,
Ha nikun na vez dilezet.

5.

Diouallit bepred ar bugel,
'Zo moredet en he gavel,
Ha grit ma vo, eun deiz, savet
Evel ho mab e Nazareth.

6.
Ni hon euz, dre ho madelez,
Skoliou kristen en hor parrez ;
Dalc'homp dez'ho, kerent kristen,
Ha bezomp fidel d'ho zouten.

7.
Diouallit mad, e peb amzer,
An dud iaouank, o Mam dener,
Ha d'ar zoudardet en arme,
Kendalc'hit bepred eur feiz kre.

8.
D'ar priedou roit karantez,
Lakit urz vad en ho ziez,
Grit ma savint ho bugale
E gras hag e doujans Doue.

9.
D'an den koz goulennit daelou
Da vouela c'hoaz he bec'hejou ;
Ha grit na vezo ket galvet
Dirak Doue, en he bec'het.

10.
Diouallit an Iliz santel,
Diouallit ive Breiz-Izel,
Diouallit hor bro gaer a Frans,
O Guerc'hez dous, hon esperans !

11.
Dre anaoudegez, var ho penn,
Ni n'euz lakeat eur gurunen :
Grit ma yimp-ive kurunet,
Eun deiz, e palez an Dreindet.

12.
Eno, o Guerc'hez, leun a c'hras,
Gant an elez ni gano c'hoas :
Gloar, meuleudi da Vam Doue,
Epad an oll eternite !

IMPRIMATUR :

Quimper, le 21 Septembre 1898,

E. FLEITER, vic. gén.

Pardon bras Itron-Varia-C'hras a vez great, en he
chapel, e parrez Pluguën, d'an 8^e a viz Guengolo.

Kemper, Moullevez, 7, ru' an D'adchentil.